

Ражабов Назиржон Раззоқович,
ТДИУ, «Университет 3.0»
маркази сектор мудири,
ekologtdiu-07@mail.ru

«НАВОИЙ» ЭРКИН ИНДУСТРИАЛ-ИҚТИСОДИЙ ЗОНАСИГА ЖАЛБ ЭТИЛГАН ИНВЕСТИЦИЯЛАР САМАРАДОРЛИГИНИ БАҲОЛАШ

ОЦЕНКА ЭФФЕКТИВНОСТИ ИНВЕСТИЦИЙ В СВОБОДНУЮ
ИНДУСТРИАЛЬНО-ЭКОНОМИЧЕСКУЮ ЗОНУ «НАВОИ»

EVALUATION OF THE EFFECTIVENESS OF INVESTMENTS
IN THE NAVOI FREE INDUSTRIAL AND ECONOMIC ZONE

Аннотация. Мақолада Эркин иқтисодий зоналарга жалб этилган инвестицияларнинг ҳудуд ижтимоий-иқтисодий ривожланишига таъсирини баҳолашнинг илмий-назарий жиҳатлари ўрганилган, «Навоий» эркин индустриал-иқтисодий зонасида амалга оширилаётган инвестицион лойиҳалар самарадорлиги аниқланган. «Навоий» эркин индустриал-иқтисодий зонасига жалб этилган инвестицияларнинг ҳудуд ижтимоий-иқтисодий ривожланишига таъсирини баҳолаш усули таклиф этилган.

Калит сўзлар: инвестиция, хорижий инвестиция, эркин иқтисодий зона, кластер, инновация, дирекция, эркин индустриал-иқтисодий зона, инвестицион салоҳият, имиж яратиш модели.

Аннотация. В статье исследуются научно-теоретические аспекты оценки влияния инвестиций в свободные экономические зоны на социально-экономическое развитие региона, выявляется эффективность инвестиционных проектов, реализуемых в свободной индустриально-экономической зоне «Навои». Предложена методика оценки влияния инвестиций в Свободную индустриально-экономическую зону «Навои» на социально-экономическое развитие региона.

Ключевые слова: инвестиции, иностранные инвестиции, свободная экономическая зона, кластер, инновации, дирекция, свободная индустриально-экономическая зона, инвестиционный потенциал, модель создания имиджа.

Abstract. The article examines the scientific and theoretical aspects of assessing the impact of investments in free economic zones on the socio-economic development of the region, reveals the effectiveness of investment projects implemented in the free industrial-economic zone «Navoi». A methodology for assessing the impact of investments in the Free Industrial-Economic Zone «Navoi» on the socio-economic development of the region is proposed.

Key words: investments, foreign investments, free economic zone, cluster, innovations, directorate, free industrial and economic zone, investment potential, image creation model.

Ўзбекистон саноатининг инновацион ривожланиши, саноат тармоқларининг мақсадли стратегиясини ишлаб чиқишга қаратилган асосий мақсадлар Ўзбекистон Республикаси Президентининг 2017 йил 7 февралдаги «Ўзбекистон Республикасини янада ривожлантириш бўйича Ҳаракатлар стратегияси тўғрисида»ги фармони билан белгилаб берилган. Ушбу фармон билан қабул қилинган 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида «янги саноат корхоналари ва сервис марказларини ташкил этиш, кичик саноат зоналарини ташкил қилиш, йирик хўжалик бирлашмаларининг маблағларини, банкларнинг кредитлари ва хусусий хорижий инвестицияларни жалб қилиш ҳисобига кичик шаҳарлар ва шаҳарчаларни жадал ривожлантириш»[1] бўйича аниқ вазибалар белгилаб берилган.

Мамлакатда инвестицион муҳит жозибадорлигини ошириш 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясининг муҳим йўналишларидан бири эркин иқтисодий зоналарни ташкил этиш ҳисобига ҳудудларни ижтимоий-иқтисодий ривожлантириш ҳисобланади. Эркин иқтисодий зоналар ҳудудлар рақобатбардошлигини ошириш ва инновацион ривожланишнинг асосий драйвери сифатида ўрганилиши, унга жалб этилаётган инвестициялардан самарали фойдаланишнинг илмий-услубий асосларини ишлаб чиқиш масаласини долзарблаштиради.

Инвестицияларни жалб этиш иқтисодий ўсиш шартлари ва миллий иқтисодиёт рақобатбардошлигини ошириш имкониятларини белгиловчи, шунингдек, халқаро интеграция жараёнлари, биринчи навбатда ишлаб чиқариш кучлари ривожланишига таъсир кўрсатувчи муҳим омиллардан биридир.

Иқтисодий ривожланган мамлакатларда ЭИЗларни яратиш маълум ҳудудлар иқтисодий салоҳиятини ошириш мақсадлари ва ушбу ҳудудлардаги саноат, иқтисодий ва ижтимоий-сиёсий ривожланиш даражасини ўзгартириш зарурати юзага келувчи жойларда яратилади.

Халқаро тажриба шуни кўрсатадики, пухта ўйланган стратегия ва дастур мавжуд бўлганда, ЭИЗлар алоҳида минтақалар иқтисодиётини ривожлантириш ва ишлаб чиқариш рақобатбардошлигини оширишнинг самарали воситаларидан бирига айланади.

ЭИЗларни яратиш бўйича жаҳон тажрибаси ниҳоятда кенгдир. Ҳозирги кунда дунёнинг 140 та мамлакатада 4500 дан ортиқ махсус иқтисодий зоналар мавжуд бўлиб, уларда қарийб 70 млн. киши иш билан банд. 2020 йил якуни бўйича ЭИЗларнинг товар айланмаси жаҳон товар айрибошлаш ҳажмининг қарийб 25 фоизини ташкил этиши кутилмоқда [2].

Ўзбекистон Республикасида ЭИЗлар фаолияти учун норматив-ҳуқуқий база яратилган ва бундай ҳудудларни ривожлантириш бўйича самарали ташкилий-ҳуқуқий чоралар кўрилмоқда. Мамлакатда 2009 йилдан бошлаб, эркин иқтисодий зоналар фаолияти йўлга қўйилган бўлса, 2020 йилга келиб, фаолият юритаётган эркин иқтисодий зоналарнинг сони 22 тага етган.

Ўзбекистон Республикаси Президентининг 2008 йил 2 декабрдаги «Навоий вилоятида эркин индустриал-иқтисодий зона ташкил этиш тўғрисида»ги [3] ПФ-4059-сонли фармонига асосан Навоий вилояти Кармана тумани ҳудудида Ўзбекистондаги биринчи эркин зона – «Навоий» эркин индустриал-иқтисодий зонаси (ЭИИЗ) ташкил этилган. «Навоий» ЭИИЗнинг амал қилиш муддати 30 йил бўлиб, ҳудудда солиқ, валюта ва божхона режимлари, кириш, туриш ва чиқишнинг соддалаштирилган тартибига амал қилади.

Бизнес юритиш учун кулай шарт-шароитлар яратиш, инновацион тадбиркорлик ва юқори технологияларга асосланган саноатни ривожлантириш мақсадида Ўзбекистон Республикаси Презедентининг 2019 йил 15 майдаги «Навоий вилоятини инновацион, юқори технологияларга асосланган, экспортга йўналтирилган ва импорт ўрнини босадиган ишлаб чиқаришлар учун эркин иқтисодий зона сифатида белгилаш чора-тадбирлари тўғрисида»ги[4] ПФ-5719-сонли қарори қабул қилинган. Қарорда Навоий вилояти ҳудуди 2030 йил 1 январга қадар инновацион, юқори технологияларга асосланган, экспортга йўналтирилган ва импорт ўрнини босувчи ишлаб чиқаришлар учун эркин иқтисодий зона этиб белгиланган.

Эркин иқтисодий зона сифатида Навоий вилоятини ривожлантириш бўйича белгилаб берилган асосий вазифалардан бири «Юқори қўшилган қийматга эга экспортбоп ва импорт ўрнини босувчи маҳсулотларни ишлаб чиқариш бўйича замонавий ишлаб чиқаришларни барпо этиш учун тўғридан-тўғри инвестицияларни жалб этиш»дир.

«Навоий» эркин индустриал-иқтисодий зонасида 19 та корхона фаолияти самарали йўлга қўйилган бўлиб, улар томонидан 100 турдан ортиқ харидорбоп маҳсулотлар ишлаб чиқарилмоқда. «Навоий» ЭИИЗ ташкил этилгандан буён жами 122 млн. АҚШ доллари миқдорида инвестиция киритилган. Вилоятга жалб этилган инвестициянинг қарийб 35 %га яқини тўғридан-тўғри хорижий инвестициялар ҳисобланади.

«Навоий» эркин иқтисодий зонаси ташкил этилганидан бошлаб, 2020 йилгача бўлган даврда 31 та корхона негизида 45 та 241,6 млн.доллар лойиҳалар амалга оширилган бўлиб, ушбу лойиҳаларни амалга ошириш натижасида жами 3191 та иш ўрни яратилган. Амалга оширилган лойиҳаларда тўғридан-тўғри хорижий инвестициялар ҳажми 55,5 млн. долларни ташкил этиб, жами лойиҳалар қийматининг 23 фоизини ташкил этади.

2020 йил январь-октябрь ойлари давомида 42,6 млн долларлик (шундан, хорижий инвестициялар 5,8 млн. доллар) 6 та лойиҳа амалга оширилиб, 458 та янги иш ўрни яратилган. «Навоий» ЭИЗ корхоналари томонидан жами 2085,6 млрд. сўмлик маҳсулотлар ишлаб чиқарилиб, 2019 йилга нисбатан 164,9 фоизга, маҳсулот экспорти 110,4 фоизга ўсган.

1 - ж а д в а л

«Навоий» ЭИЗ ҳудудида амалга оширилган лойиҳалар¹

Кўрсаткичлар	2008–2017 йиллар	2018 йил	2019 йил	2020 йил	Жами
Корхоналар сони	16	5	6	4	31
Ишга тушган лойиҳалар	24	6	9	6	45
Лойиҳа қиймати (млн. долл)	129	59,9	10,1	42,6	241,6
Тўғридан-тўғри хорижий инвестиция (млн. долл)	55,5	16,7	1,3	5,8	79,3
Тўғридан-тўғри хорижий инвестициялар улуши, %	43,0	27,9	12,9	13,6	32,8
Иш ўринлар сони	901	1685	149	458	3193

Хорижий тадқиқотчиларнинг фикрича, тўғридан-тўғри хорижий инвестициялар иқтисодий ривожланишни таъминловчи молиялаштириш манбаси бўлиш билан бирга, билвосита таъсирлар (spillover effect) шаклида мамлакатга замонавий техника ва технология, инновациялар, ноу-хау ва бошқарув усуллари жалб этишга ёрдам беради. Улар инсон капиталининг ўсиши, иқтисодиётни модернизациялаш ва рақобатдошликни ошириш, ахборот-коммуникация тизимининг ривожланишини таъминлаш орқали мамлакатда барқарор иқтисодий ривожланишга замин яратади [5].

Ушбу ҳолатни инобатга олганда, «Навоий» эркин иқтисодий зонасида 2008–2017 йиллар амалга оширилган лойиҳаларга киритилган инвестицияларда тўғридан-тўғри хорижий инвестициялар улуши 43 фоизни ташкил этган бўлса, 2018 йилда бу кўрсаткич 27,9 фоизни, 2019 йилда 12,9 фоизни ташкил этиб, пасайиб бориш тенденцияси кузатирилган.

Ўзбекистоннинг ҳудудларида турли хилдаги ЭИХларни ташкил этиш орқали хорижий инвестициялар жалб этишни фаоллаштиришга, иккинчидан, мамлакат ва унинг ҳудудлари ижтимоий-иқтисодий тараққиётининг юксалишига олиб келиши М.Раимжанованинг [6] тадқиқотларида асосий гипотеза сифатида белгиланган ва асосланган.

Хорижий инвестицияларини жалб этишга асоссиз равишда кенг имтиёз ва афзалликлар берилиши, ўзи улардан кутилаётган иқтисодий самарага эришиш мумкинлигини асослайди. Хорижий инвестицияларнинг иқтисодий самарасини таъминлаш учун аввало инвестицияни қабул қилувчи мамлакатда қулай инвестицион муҳит яратилиши лозим.

Ҳар бир инвестицион лойиҳа маълум бир бошланиш ва тугаш санасига эга ва одатда улар эришилиши керак бўлган мақсадлар, рисклари, ўлчами ва вақт чегараси, лойиҳа жамоасининг тажрибаси, ресурслар қулайлиги, тарихий ахборот ҳажми, лойиҳаларни бошқариш бўйича ташкилотнинг салоҳияти, шунингдек, уларни амалга ошириш бир қатор омилларга боғлиқ равишда фарқланади.

Инвестицион лойиҳа – режалаштирилган натижаларни олиш ва белгиланган муддатларда муайян мақсадларга эришиш учун интеллектуал, молиявий, моддий, номоддий, шу жумладан, маълум миқдордаги ресурсларни инвестициялашни ўз ичига олган ҳаракатлар сифатида тушунилади [7]. Инвестиция лойиҳасининг молиявий натижаси эса кўпинча фойда/даромад ҳисобланади, аниқ натижалар янги ёки реконструкция қилинувчи асосий воситалар (объектлар) ёки молиявий воситалар ёки моддий активларни сотиб олиш ва ундан кейин даромад олиш билан боғлиқ.

Жаҳон банки ва UNIDO каби кўплаб халқаро ташкилотлар ва жаҳон олимлари томонидан инвестицион лойиҳанинг ҳаёт даврини ўрта – инвестиция олди, инвестициялаш ва ундан фойдаланиш (эксплуатация) сингари босқичларига бўлиб ўрганиш тавсия этилади [8].

Эркин иқтисодий зоналар маълум минтақани ижтимоий-иқтисодий ривожлантириш мақсадларида ташкил этилишини назарда тутганда, минтақавий инвестицион лойиҳалар самарадорлигини баҳолаш, қарорларни амалга оширишда ҳудуддаги ижро этувчи ҳокимиятнинг ўрни муҳим аҳамиятга эга.

Амалдаги ЭИЗ самарадорлигининг ҳудудий ривожланишга таъсирини баҳолаш учун миқдорий кўрсаткичлар 5 та блокка бирлаштирилган:

1. ЭИЗ фаолиятининг мутлақ миқдорий кўрсаткичлари.
2. ЭИЗ резидентлари фаолиятини акс эттирувчи нисбий миқдорий кўрсаткичлар.
3. Транспорт-логистика, энергетика, ижтимоий-маданий, илмий ва бошқа ҳудудий инфратузилмани яратишда барча даражадаги бюджет харажатлари самарадорлигини миқдорий баҳолаш кўрсаткичлари.
4. Минтақавий ижтимоий-иқтисодий ривожланишга ёки у ташкил этилган ҳудудда ЭИЗ фаолияти ҳиссасини акс эттирувчи миқдорий баҳолашнинг нисбий кўрсаткичлари.
5. ЭИЗ дирекциялари ёки ҳудудий ҳокимликнинг зоналарни ривожлантириш режасига мувофиқ ЭИЗни бошқариш ва инфратузилма объектларини яратиш функция-

ларини бажариш самарадорлигини акс эттирувчи миқдорий баҳолашнинг нисбий кўрсаткичлари.

Эркин иқтисодий зоналар фаолиятини миқдорий баҳолашнинг мутлақ кўрсаткичлари қуйидагилардан иборат:

1. Тўғридан-тўғри инвестицияларни жалб этган ҳолда аъзо ёки резидент сифатида иштирок этувчи корхоналар сони.

2. ЭИЗда қатнашишдан чиққан корхоналар ва якка тартибдаги тадбиркорлар сони.

3. ЭИЗ иштирокчилари томонидан ташкил этилган янги иш ўринлари сони.

4. Имзоланган иштирок шартномаларига мувофиқ режа-корхоналарнинг инфратузилма объектларини капитал куриш учун тўғридан-тўғри инвестициялар ҳажми.

5. ЭИЗда инфратузилма объектларининг капитал курилишига резидентлик мақомини йўқотган корхоналарнинг тўғридан-тўғри инвестициялари ҳажми.

6. Товар ва хизматларни сотишдан тушадиган ялпи тушумлар ҳажми, солиқларни олиб ташлаган ҳолда.

7. Барча даражадаги бюджет тизими, шунингдек, ЭИЗда инфратузилма объектларининг капитал курилишига йўналтирилган инвестициялар ҳажми (прогноз / факт).

8. ЭИЗ ҳудудида инфратузилма объектларининг капитал курилишига йўналтирилган бюджетдан ташқари манбалардан инвестициялар ҳажми ва ҳоказо.

Юқоридагилар билан бир қаторда ЭИЗ фаолияти самарадорлигини баҳолашда зоналарнинг ўзига хос жиҳатларидан келиб чиққан ҳолда миқдорий баҳолаш мезонлари, жумладан эркин ишлаб чиқариш зоналари учун қуйидагиларни киритиш мумкин:

1. Экспортга жўнатилган маҳсулотларнинг умумий ишлаб чиқаришдаги улуши.

2. Юқори технологиялар соҳасида фаолият юритувчи саноат ишлаб чиқариш корхоналарининг ЭИЗ ҳудудида жойлашган корхоналарнинг умумий таркибидаги улуши.

3. ЭИЗ ҳудудида ўз ишлаб чиқаришларини жойлаштирган корхоналарнинг умумий таркибидаги технологик янгиликларни амалга оширувчи корхоналар улуши.

4. Ҳисобот даврида юқори технологияли иш ўринлари кўпайиши.

ЭИЗ фаолиятининг маҳаллий ва минтақавий ижтимоий-иқтисодий ривожига таъсирини акс эттирувчи миқдорий баҳолашнинг нисбий кўрсаткичлари эса қуйидагилардан иборат:

1. ЭИЗ иштирокчилари томонидан ташкил этилган янги иш ўринлари сонининг иқтисодий фаол аҳоли сонига нисбати.

2. Товар ва хизматларни сотишдан тушадиган ялпи тушум ҳажмининг солиқларни олиб ташлаган ҳолда минтақанинг ялпи ҳудудий маҳсулоти миқдorigа нисбати.

3. ЭИЗ-резидентлари томонидан ҳудудий ёки республика бюджетига тўланувчи солиқлар ҳажмининг минтақадаги барча резидентлари томонидан тўланувчи солиқлар ҳажмига нисбати.

ЭИЗ самарадорлигини баҳолаш метрикалари бўйича ҳар бир гуруҳ учун мутлақ ва нисбий кўрсаткичларнинг режалаштирилган қийматларига эришишни ҳисобга олган ҳолда амалга оширилади.

ЭИЗнинг ишлаш кўрсаткичларини баҳолаш учун беш балли ўлчов шкаласини қўллаш тавсия этилади. Якуний 5 балли кўрсаткичларнинг режалаштирилган кўрсаткичлари 90 %дан юқори бўлган тақдирда берилади. 4 балл режалаштирилган мақсадларни 70 %дан 90 %гача бажарганда, 3 балл – интервалда режалаштирилган мақсадларни 50 %дан 70 %гача бажарганда, 2 балл режалаштирилган мақсадларни 35 %дан 50 %гача бажарганда 1 балл эса режалаштирилган мақсадларни 35 %гача бажарганда белгиланади.



Эркин иқтисодий зона самарадорлигини баҳолаш натижалари маҳаллий ҳокимликлар учун қуйидаги муаммоларни ҳал этиш имконини беради:

- ▶ ЭИЗ резиденти мақомига эга ташкилотлар ва якка тартибдаги тадбиркорларга солиқ ва божхона имтиёзларини бериш мақсадга мувофиқлиги тўғрисида қарор қабул қилиш;
- ▶ ҳудудий саноатни ривожлантиришнинг устувор йўналишларини тўғри белгилаш;
- ▶ инвестициялашга бюджетдан йўналтирилувчи молиявий ресурсларни самарали тақсимлаш;
- ▶ маълум ЭИЗ учун инфратузилма объектларини яратиш учун бюджетдан ташқари манбалардан қўшимча инвестицияларни жалб этиш.

Ўзбекистонда ЭИЗ сони ва фаолият кўлами кенгайиб бораётган шароитда юқоридаги келтирилган мезонлар бўйича баҳолаш тартибларини киритиш мақсадга мувофиқ. Ушбу мақсадлар учун тавсия этилган мезонларни ҳисобга олган ҳолда баҳолаш усулларини ишлаб чиқиш лозим.

Юқоридаги мезонлар бўйича ЭИЗ фаолияти самарадорлигини интеграл кўрсаткичлар асосида баҳолаш Е.Крюкова[9] томонидан тавсия этилган қуйидаги формула асосида амалга оширилади:

$$C_{\text{ЭИЗ}} = k_i * \sum_j p_{ij} O_{ij} \quad (1)$$

Бу ерда,

k_i – i -гуруҳ кўрсаткичи бўйича вазн коэффиценти;

p_{ij} – j -мезон кўрсаткичи бўйича ҳар бир i -гуруҳ кўрсаткичларининг вазн коэффиценти;

O_{ij} – i -гуруҳнинг j -мезон кўрсаткичига мос келувчи индикатор баҳоси.

Эркин иқтисодий зона самарадорлигини баҳолаш учун биринчи гуруҳни ташкил этувчи барча санаб ўтилган мутлақ кўрсаткичларнинг жорий қийматлари ўтган йилнинг мос қийматлари билан ўзаро боғлиқ бўлиши керак. Интеграл индикаторлар, эркин иқтисодий зона, танланган мезонлар бўйича мос қийматлар иқтисодий зонанинг хусусиятлари ва эришилиши кутилаётган натижалар асосида танланади.

Ҳудудий ижтимоий-иқтисодий жараёнлардан ажратилган ҳолда ЭИЗни маҳаллий муассаса ва ўзига хос механизм сифатида ўрганиш мумкин. Чунки ҳар бир эркин иқтисодий зонанинг ҳудудлар ижтимоий-иқтисодий самарадорлигини ошириш муаммоларини ҳал этишга қаратилган мақсад ва стратегиялар билан мутаносиблигини таъминланиши зарур. Ушбу самарадорлик нафақат иқтисодий, балки экологик муаммолар ёки ресурс базаси сифатида фаолият юритувчи экзоген омилларга ҳам эътибор қаратиш лозим.

Юқоридагиларга асосланганда ЭИЗ фаолиятининг ҳудудий ижтимоий-иқтисодий ривожланишга таъсирини ўрганиш ва бу таъсирларни баҳолаш бўйича илмий-услубий ва амалий механизмларни такомиллаштиришга қаратилган тадқиқотларни кенгайтириш зарур.

ФОЙДАЛАНИЛГАН АДАБИЁТЛАР

1. Ўзбекистон Республикаси Президентининг «Ўзбекистон республикасини янада ривожлантириш бўйича Ҳаракатлар стратегияси тўғрисида»ги фармони. Ўзбекистон Республикаси қонун ҳужжатлари тўплами, 2017 й., 6-сон, 70-модда. <http://www.lex.uz/>

2. Информационно-аналитический доклад. об актуальных проблемах развития свободных экономических зон в Республике Узбекистан. Информационно-аналитический доклад подготовлен проектом Программы Развития ООН. Ташкент – 2018.

3. Ўзбекистон Республикаси Президентининг 2008 йил 2 декабрдаги «Навоий вилоятида эркин индустриал-иқтисодий зона ташкил этиш тўғрисида»ги ПФ-4059-сонли фармони.

4. Ўзбекистон Республикаси Президентининг 2019 йил 15 майдаги «Навоий вилоятини инновацион, юкори технологияларга асосланган, экспортга йўналтирилган ва импорт ўрнини босадиган ишлаб чиқаришлар учун эркин иқтисодий зона сифатида белгилаш чора-тадбирлари тўғрисида»ги ПФ-5719-сонли қарори.

5. Валиев Б. Миллий иқтисодиётнинг барқарор ривожланишини таъминлашда тўғридан-тўғри хорижий инвестициялардан фойдаланиш самарадорлигини ошириш. Иқтисодиёт фанлари бўйича фалсафа доктори (PhD) диссертацияси автореферати. – Т.: Ўз.Рес. Банк-молия академи-яси, 2017. 16-б.

6. Раимжанова М. Ўзбекистонда эркин иқтисодий ҳудудларга инвестицияларни жалб қилишни фаоллаштириш. 08.00.07 – «Молия, пул муомаласи ва кредит» ихтисослигида Иқтисод фанлари номзоди илмий даражасини олиш учун тақдим этилган диссертация автореферати. – Т.: Ўз.Рес. Банк-молия академияси. 2012. 5-б.

7. Ковалевская Н. Ю. (2015) Экономическая эффективность инвестиционных проектов: учеб. пособие / Н.Ю. Ковалевская. – Иркутск: Изд-во БГУЭП, 2015. С. 16.

8. Мазур И.И., Шапиро В.Д., Ольдерогге Н.Г. Управление проектами: Учебное пособие / Под общей редакцией И.И. Мазура. 3-е изд. – М.: Омега-Л, 2004.

9. Крюкова Е. Эффективность функционирования зон с особым экономическим статусом. Диссертация на соискание ученой степени кандидата экономических наук. – Волгоград, 2014.

10. Hakimov Z.A., Synergy Effect Textile Clusters of Uzbekistan. Asian Journal of Technology & Management Research [ISSN: 2249 –0892] Vol. 9 – Issue: 1[Jun-2019]. http://www.ajtmr.com/papers/Vol9Issue1/Vol9Iss1_P8.pdf

11. Рожков Г.В., Панайотиди Г.В. Свободные экономические зоны – механизмы ускорения перехода к инновационной экономике. // Проблемы экономики, 2009, № 2.

12. Mustafakulov Sh.I., Rajabov N. R., D. A. Karimov, N. N. Murodullaev, R. T. Khamidov, O.A. Rakhimberdiev, Poverty: basic principles of the state at its reduction, International Journal of scientific & Engineering Research Volume 11, Issue 9. September-2020 ISSN 2229-5518?

13. Rajabov N. On the research methodology of investment environment's attractiveness provision to the question of the methodology of studying the attractiveness of the investment climate, Religacion Revista de Ciencias Sociales y Hymanidades, Vol 4. № 16 Junlo 2019. <http://revista.religacion.com/index.php/religacion/article/view/296>

14. Mustafakulov Sh.I, Rajabov N. R., Econometric analysis of the impact of the investment climate on the sustainability of socio-economic development of Navoi region, TRANS Asian Journal of Marketing & Management Research (TAJMMR), Vol 9, Issue 10, October 2020. https://www.tarj.in/ajmmr_cuurent_issue.html

15. Ражабов Н. Р. Инвестицион муҳит жозибадорлигини баҳолашнинг илмий-услубий жиҳатлари, «Iqtisodiyot va innovatsion texnologiyalar» ilmiy elektron jurnali. Т.: № 4, iyul-avgust, 2020-yil.

16. Rajabov N. R. Effective usage of regional investment potential, «Iqtisodiyot va innovatsion texnologiyalar» ilmiy elektron jurnali, Т.: № 3, may-iyul, 2019.

17. Мустафақулов Ш.И, Ражабов Н.Р., Ҳайдарова М. И. Навоий вилоятининг ижтимоий-иқтисодий ривожланишига инвестицион муҳит жозибадорлиги таъсирининг таҳлили, «Iqtisodiyot va innovatsion texnologiyalar» ilmiy elektron jurnali, № 5, sentyabr-oktyabr, 2020-yil.



Тухлиев Б.К.,
иқтисод фанлари номзоди, доцент,
«Солиқлар ва сугурта иши»
кафедраси мудири, ТДИУ.
Tukhlievb @ mail.ru

ПАНДЕМИЯ ШАРОИТИДА ИНВЕСТИЦИОН ФАОЛИЯТ САМАРАДОРЛИГИНИ ОШИРИШ МАСАЛАЛАРИ

ВОПРОСЫ ПОВЫШЕНИЯ ЭФФЕКТИВНОСТИ ИНВЕСТИЦИОННОЙ ДЕЯТЕЛЬНОСТИ В УСЛОВИЯХ ПАНДЕМИИ

ISSUES OF IMPROVING THE EFFICIENCY OF INVESTMENT ACTIVITIES IN A PANDEMIC

Аннотация. Ушбу мақолада пандемия ва ундан кейинги шароитда инвестицион фаолиятни ташкил этиши, уни инвестициялаш манбаларини шакллантириши, қулай инвестицион муҳит яратиши, миллий иқтисодиётни ривожлантиришида инвестицион фаолиятга таъсир этувчи омилларни ўрганиши ва ҳисобга олиши, хорижий инвестициялар иштирокидаги корхоналар фаолиятини такомиллаштириши, ўзига хос хусусиятлари бўйича ўрганишлар асосидаги муҳокама ва ҳулосаларни шакллантириши.

Таянч сўзлар: инвестиция, асосий капитал, инвестицион муҳит, инвестицион жозибадорлик инновация, ялпи ички маҳсулот, инвестор, инвестицион фаолият, инвестицияларни молиялаштириши.

Аннотация. В данной статье рассматриваются и заключаются особенности организации инвестиционной деятельности в условиях пандемии и ее последствий, формирование источников инвестирования, создание благоприятного инвестиционного климата, изучение и учет факторов, влияющих на развитие национальной экономики.

Ключевые слова: инвестиции, основной капитал, инвестиционная среда, инвестиционная привлекательность инноваций, валовой внутренний продукт, инвестор, инвестиционная деятельность, финансирование инвестиций.

Abstract. This article discusses and concludes on the peculiarities of the organization of investment activities in the pandemic and its aftermath, the formation of sources of investment, the creation of a favorable investment climate, the study and accounting of factors influencing the development of the national economy, improving the activities of enterprises with foreign investment.

Keywords: investment, fixed capital, investment environment, investment attractiveness innovation, gross domestic product, investor, investment activity, investment financing.

Инвестицион фаолият самарадорлик даражаси кўп жихатдан яратилган инвестицион муҳит доирасида у ёки бу лойиҳани амалга оширишга йўналтирилган капитал маблағларнинг даромаддорлигига боғлиқ. Бозор иқтисодиёти шароитида инвестиция ресурсларини жойлаштириш ва улардан самарали фойдаланиш учун инвестицион муҳит